



Aningaasaqarnermut Aatsitassanullu Naalakkersuisoq

Ulloq: 26. marts 2020
J.nr.:

Aningaasaqarnermut Akileraartarnermullu Ataatsimiititaliap pingasunngornermi ulloq 25. marts 2020-mi aalajangiineranik Naalakkersuisunut ilisimatitsineq.

Qaarsuni mittarfiup qalliutaata nungullarnaveeqqutaanik iluarsaassinissaq siuner-taralugu kontomi pingaarnermi 87.73.22 Mittarfeqarfiit – mittarfiit missingersuutitut sunniuteqanngitsumik nussuineq. – Suliaq nr. 01.31.06/20 – 00868.

Naalakkersuisut inassutigaat:

- kontomi pingaarnermi 87.73.22 Mittarfeqarfiit – mittarfiit suliassamut nr. 996.25.203 Mittarfinni isumannaallissanermit atortunut aningaasaliissutit 0,6 mio. koruuninik ikilisinneqassasut,
- suliassamut nr. 996.25.191 Heliportit illutaasa misissuiffiginerinut aningaasaliissutit 2,9 mio. koruuninik ikilisinneqassasut,
- suliassamut nr. 996.25.938 Radiukkut nassitsissutit, iluarsaassinermut aningaasaliissutit 2,8 mio. koruuninik ikilisinneqassasut,
- suliassamut nr. 996.25.188 Immikkut nutarterineq iluarsaasinerlu 2014-imut aningaasaliissutit 0,8 mio. koruuninik amerlineqassasut,
- suliassamut nr. 082.25.182 Terminalip illutaata allineqarnera, Kangerlussuaq-mut aningaasaliissutit 0,4 mio. koruuninik ikilisinneqassasut, aammalu
- suliassamut nutaamut nr. 152.25.212 Mittarfiup qallersuutaa, Qaarsut-nut aningaasaliissutit 2020-mi 5,9 mio. koruuninik amerlineqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqaatu:

Suliami aalajangiinerminut matuma kinguliani allassimasumut tunngatillugu apeqqutit oqaaseqaatillu matuma kingulianiittut piaartumik akineqarnissaat ataatsimiititaliamit kissaatingeqarpoq.

Apeqqut 1:

Suliap matumani pineqartup maanna aningaasanut inatsisaasumut ilanngunneqareersimannginneranut maannalu takkunneranut suna tunngaviua? Naalakkersuisut isumaat malillugu pineqartoq tassaava siumut naatsorsuutigineqarsinnaasimangitsoq?

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni apeqquteqarlunilu Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuersissutigineqarput.**

Inussiarnersumik inuulluaqqusillunga

Hermann Berthelsen
Aningaasaqarnermut Akileraartarnermullu Ataatsimiititaliap siulittaasua